


沈乃文主編

明別集叢刊
第一輯

第四十五冊

黃山書社




沈乃文 主編

明別集叢刊 第一輯

第四十五冊

黃山書社



(明)丘濬 著

重編瓊臺會稿詩文集二十四卷

清光緒五年刻本

光緒五年仲春重鐫

瓊臺會稿
詩文集

雁峯書院藏板

重編瓊臺會稿二十四卷

欽定四庫全書提要濬文集世不一本初其門人蔣冕等刻其詩曰吟稿續又哀其記序表奏曰類稿嘉靖中鄭廷鵠合二稿所載益以所得寫本釐爲十二卷名曰會稿天啓初其裔孫爾穀選類稿十之二增會稿十之三并吟稿合刻曰重編會稿卽此本也雖不及類稿會稿之完備而簡汰頗嚴菁華俱在足以括濬之著作矣

瓊臺會稿

卷首

四庫全書

一

邱文莊公傳

閩中何喬遠撰

邱濬字仲深瓊山人其先晉江人元季有官瓊者因家焉祖普性有陰德爲良醫濬幼孤嗜書或從市肆借讀或從親友訪求假抄聞有積書之家必豫計內交有遠涉數百里轉漚至數十人積久至三五年而後得者甚至爲人所厭薄厲聲色相拒其顛篤如此正統九年鄉貢第一卒業太學祭酒蕭鑑深重之景泰五年試禮部學士商輅閱策意爲齷揭之果然廷試二中第一首選翰林庶吉士洗馬李紹指劉定之謂濬曰主靜生長名邦兼奉庭聞固宜浩博子海外孤生安所師友乃亦如是濬以海外孤生曠取清華益讀未見書究心本朝掌故文日名四方既撤館授翰林編修天順以來兩廣蠻賊猖獗朝命總兵顏彪都御史葉盛討之不能平憲宗初使都督趙輔泰政韓雍往代濬奏記大學士李賢言兩廣蠻賊自總兵顏彪行師無律而我威始不振自其縱兵擄掠而民財始大屈自其殺平民爲功而人心始日離賊徒

瓊臺會稿

卷首

傳

二

始日盛今用兵之策大要有二曰逐日困而已逐在廣東困在廣西何言廣東賊當逐也廣東故無賊賊皆來自廣西猺獞而居民從之使其盡反巢穴民無所從莫煽以變所以必逐也何言廣西賊當困也猺獞在峭嶺險峽中雖有官軍百萬亦無能一鼓直抵而盡殲之也所以必困也今廣東十府殘破者六其地之相去遠者或至千里若逐之從一路則敵之與我彼此相避必難成功必分爲四路一路自廣州三江口趨肇慶歷四會封川等縣泝流而上至澄江

瓊臺會稿

卷首 傳

三

一路自肇慶之新興過陽江抵高州界檇電白信宜出茂名化州繇間道徑岑溪等縣界一路自藤縣直泝北流江登陸繇鬱林博白陸川出石城抵雷州復自石城往廉州之靈山下橫州江一路自廣州之連州徑賀縣出平樂四路之兵俱會潯州窮探極追且招且勦此逐策也廣西猺寇所在有之惟潯州大藤峽前臨河後抵柳慶左界昭梧右接邕貴中皆高山峻嶺惟其蓄積有限必資火種刀耕其田盡在山外若進兵屯守蹂其青苗使出不得擄掠退不得耕耨

斃之不過一二年耳春夏之交蠻地大瘡今欲進兵宜以七月春夏退屯於潯州既秋復進軍士乃完此困策也夫今日賊徒所以倍徙於昔者皆良民耳彼平居輸賦供力養兵奉吏我保瘴癘之寇旦夕來焚蕩其室廬戕賊其親屬入城則閉不納入山又與賊遇不幸見虜姑且順從冀須臾無死賊因而劫持虐用之行使負檐息使樵爨攻城則驅以當矢石反奔則棄以委官軍民所僥倖不死固心語曰我豈從賊不得已耳他日賊平故可輸賦供役如平居忽聞大

瓊臺會稿

卷首 傳

四

軍之來喜若更生乃及既至眞賊遁入山中了不可得不得已從賊者盡甘心焉興言及此眞可傷憫今之總帥宜戒前事召諭父老子弟指誓天日使無疑顧出榜招徠許以自新或與殺賊贖罪然後良民可使不爲盜也而又除去總兵等官領去旗牌及挽弓報効等項名色以絕其驕驕加意撫綏廣平一府以固其根本獎諭服順之士官使聽調遣厚加犒賞所得賊財盡以與之以結其心嚴私鹽之禁以爲賞勞之資以足其欲被虜軍民自賊來者或知其情勢俾

爲鄉導以借其力有欲報讐者編爲義兵使隨軍調遣以壯其氣如是而賊不破者未之有也賢善濬策以轉聞上嘉納之命錄示總兵巡撫卒用破賊九載秩滿陞侍講與修英宗實錄成陞侍講學士濬在講筵音吐洪暢憲宗悅之累進翰林院學士國子監祭酒加禮部侍郎仍掌國子監事濬慎取與恬仕進富於見聞是非臧否常與人各趨又能以辨博濟其說人莫敢難者至於奏對勅諭之文引經證史條達詳明讀者知其有用之儒也宋真德秀大瓊臺會稿 卷首 王

錄成加太子太保遂令兼文淵閣大學士時年七十矣三疏固辭未疏言皇上處臣內閣不許臣辭念臣之壯也亦欲有爲今老矣閱久歷多始知天下事思之非不爛然但恐行時不如言時人心不似我心臣所進大學衍義補平生精力盡在於此倘聖明採三於千百之中見諸施行雖不用臣如實用臣不許既就位復言禮經有之事君先資其言拜自獻其身以成其信故君有責於其臣臣有死於其言是以伊尹憮然於數語傳說嘉命夫三篇管仲問答於齊桓樂毅披寫於燕昭韓信登壇而對諸葛亮草廬而策姚崇入相而要臣之愚蠢上遠古人若大學衍義補一書臣所竭思盡忠搜古鑒來非如鄭康成之訓經義泛濫無裨王安石之假經言紛更變亂臣年踰七十鐘鳴漏盡明主不棄進之內閣是臣書遭逢之日也臣請擇其要綴爲奏章次第上獻乞下內閣二三儒臣會同斟酌擬詔施行或有窒礙姑留俟後臣決不敢護短求勝上曰謨猷入告大臣職也卿究心當世久矣所欲有言其卽聞朕明年上言臣所進大學衍

著籍條目甚多然皆一代一時之事若所謂經籍圖書乃萬年百世之事也臣本書中有曰廣圖籍之儲者臣竊惟圖籍所載皆聖帝名王賢人君子精神心術之微道德文章之懿行義事功之大天地山川人物風俗之所載禮樂刑政制度文爲之所出今賴知古後賴知今者也天地間物雖珍奇異寶失可復得獨經籍者宇宙精華生人元氣是以自古帝王當務爲急卽漢唐宋創業之君始有天下莫不先收圖籍迨厥中世稍有散闕輒分行天下懸賞購之授官酬

瓊臺會稿

卷首 傳

二

之五代亂離猶然不廢高皇帝至正丙午年首求遺書既平元都得其館閣秘藏又廣購於民間沒入於罪籍一時儲積不減前代太宗多事之秋猶聚衆千百纂集永樂大典以備考究今承平百年中州無事國家尚有餘力采輯佛道用備藏經徧賜天下寺觀雕以良梓飾以文綾儲以髹紅函置載以金碧輪藏况此儒家經籍如前所云烏可惜日月之力吝纖毫之費使其放逸廢墮夫民庶之家遷徙不常好尚不一既不能廣有所儲卽儲亦不能久遠所賴石渠遂

間積聚之多收藏之密扁鐫之固類聚者有掌故之官闕畧者有繕寫之吏損壞者有修補之工散失者有購訪之令然後不至泯爛斷絕前代藏書之多有至三十七萬卷者今內閣書目不能什一數十年來在內未聞考較在外未聞購求失今不治後無及已夫自古藏書不一所漢有東觀蘭臺鴻都唐有秘書監集賢書院宋有崇文館秘書省諸處我朝罷前代臺監館省之官併其任於翰林院院設典籍二員掌之天下書籍盡歸內府南京國子監雖設典籍所掌

瓊臺會稿

卷首 傳

二

不過累朝頒降舊籍書本而已夫國家經籍圖書之儲兩京皆有永樂中遣修撰陳循於南京文淵閣自一部至百部以上各取一部於北京今請勅大學士等將內閣見存書籍計委學士以下督同典籍等官一二彙若干部若干卷本刻比較年月及委官各銜識於其後或有副餘分送一部於兩京國子監仍勅南京內外守備大臣會同禮部翰林院官稽閱永樂中籍數有億本無副餘者下國子監再行抄錄他若內閣所需或不備者錄付禮部分行天下提學

憲臣榜示官吏軍民之家與凡官府學校寺觀舖坊令送所在有司謄寫校對先後進呈其藏書之所二在京師一在南京使一書而有數本一本而有三處復仿宋朝曝書給酒食費之例每歲三伏先期奏請翰林院量委堂官一二員偕僚屬同赴晒晾畢事扁鐫內外大小衙門因事有欲稽考必請上旨以爲常規臣又惟高皇帝聖德神功超越萬世御極三十年所有製作多出宸衷非若前代帝王假手詞臣之比今頒行天下者惟皇明祖訓大誥三篇大誥武臣資

瓊臺會稿

卷首 專

九

世通訓四書而已御製詩文雖彙編梓天下臣民常稀得見至其編類在內閣書目者猶有御注洪範御注尚書御注道德經文華寶鑑昭錄外戚事鑑存心錄精誠錄省躬錄志戒錄永鑑錄忠義錄爲政要錄彰善癉惡錄武臣鑑醒貪簡要錄務農技藝簡要錄女戒務本訓諸書是皆我聖祖心思之所運形手澤之所沾溉間或成於衆作何不出於上裁至當時儒臣所纂則又有大明帝紀皇明寶訓大明寶訓洪武聖政記大明日厯等書今盡藏內閣天下臣民無繇

觀記臣竊惟前代帝王有我聖祖制作之一二者其後人尙傳琬琰布天下示將來宜大其名聲我聖祖功德之隆萬世如見卽不假言語文字以傳聖子神孫繼述綸揚故不容已臣請發行鐫印大頒中外若其間繁不易舉實難行遠者請如洪武六年翰林院學士詹同宋濂等纂集日厯以爲寶訓之例徵唐人貞觀體製撮綱分類輯成一書上而朝廷用以資治下而學校用以教人科舉用以取士並行六經偶感五帝亦不刊之典也若列聖相承致治之迹惟賴實

瓊臺會稿

卷首 專

一

錄寶訓二書今代經六帝世盈十紀巍乎煥然昭哉可觀旣無金匱石室之具又無名山副藏之制惟內府內閣各儲一部而已臣不識忌諱一旦有不測之故出衆人所不慮則一代治體要典文章之盛末繇憑稽後來秉史筆者且求之草澤之中訪之傳聞之外眞屬莫辨簡牘散亡非但大功異政不得紀載而明君良臣爲人蒙污或亦有之矣臣愚過計欲乞於文淵閣旁別建重樓一所專累甄石不用樑棟勅寫一部藏以銅匱皮樓上層凡國家大事文書玉牒之

類皆附焉其詔冊制誥勅書行禮儀注若應制詩文與夫前朝遺事或諸雜錄亦勅先後錄寫盛於鐵匱度樓下層而凡內府衙門所藏文書可爲異日纂修之備及永樂以前文武官貼黃之類亦皆附焉則祖宗功德傳以無疑國家典章俟之不惑書奏上嘉納之時太監李廣漸進左道親近用事濬因言成化間彗星三見遍掃三垣地震無慮五百六次比年彗見天津而地震無虛日異鳥三鳴禁中考諸經史天變莫大彗孛在三垣三台尤重地震莫大震在京師邊境臺會稿

卷首

專

十一

防尤急矧禽鳥動物得氣之先春秋書彗孛三地震五飛禽二蓋二百四十二年之間今疊見二十五六年之內變不虛生甚可畏也陛下改元歲在戊申與太祖初元同符宜體上天仁愛念祖宗基業修德以立本清心以應務謹好尚節財賄公任用禁私謁墮革庶政盡復國初之舊庶可回天變消物異因擬二十事曰佛教道教可延福祚曰修煉金丹可致長生曰創建寺觀可植福田曰印造經懺可冀利益曰修齋設醮須豐盛曰誦經持咒可禳度曰崇重西僧

求秘術曰祀神可福佑曰宴享品物須豐侈曰匪頒賜賜如舊例曰寶石可服玩曰欲街市和買應用取直官府曰求閒田爲己業曰差官於外織造措辦曰獻珍異器希賞賜曰宮室損壞須改作曰折糧備顏料曰工作人勞苦希陞賞曰所司使用乏人當額外增置曰工巧人授以職曰技藝襍流欲得文武要秩曰無出身人欲於文武官常員銓註皆請有言及而以理折之蓋廣所欲請於上而濬先發者疏幾萬餘言上雖嘉納未能行也六年當考察天下朝覲官濬

卷首

專

十二

請如唐虞三載考績黜陟之制蓋亦衍義補所言於是吏部尙書王恕所奏黜者以上旨留其二十之一濬又時對人言恕行事不合祖宗朝典故以風示亡何太醫院判劉文泰計恕意濬教泰遂求去於是言者譁然攻濬上不問也濬自少苦學老而右目失明在朝半疾病屢求去上令朔望朝泰大風雨雪日悉免朝以優之最後悉免其朝泰七年加少保兼太子太保改戶部尙書武英殿大學士八年卒於位訃聞上輟朝賜賻祭葬贈特進左柱國太傅諡文莊遺

朝賜賻祭葬贈特進左柱國太傅諡文莊遣行人護

歸官其孫當尚寶司丞濬仕四十餘年自處如韋布

其卒也家人治裝圖書數萬卷而已嘗考諸儒論著

作家禮儀節以補朱子家禮所未備採朱子平生微

言要義微魯論作朱子學的二十篇謂朱子綱目一

重正統而秦隋之末有未可遽奪漢唐之初有未可

遽予者作世史正綱濬兩與策士及爲國子監祭酒

謏訛以文體士行訓人斥險怪之詞示中庸之道士

始不信卒翕然服焉濬論史謂范仲淹生事人也料

岳飛未必能恢復取秦檜有功宋家未造黜元不與

正統以許衡無能改於夷狄之俗卽不仕可耳其說

士人有信有訾而所論許衡出於弱冠嶺南耆宿皆

服其言子敦沉默博記善文章早卒敦子京蔭授中

書舍人仁愛好施有其祖風當卒正德初復以曾孫

郊繼其官賜濬景賢祠於鄉配宋學士蘇軾何喬新

論嶺南人物自唐張九齡宋余靖崔與之及濬四人

而已郊亦有孝弟稱

瓊臺會稿 卷首 傳 三

丘文莊公傳

關中焦映漢撰

丘公諱濬字仲深號瓊臺廣東瓊州府瓊山縣人先

世未詳祖諱普樂善好施宣德甲寅歲郡大侵饑殍

遍野野普捨地爲義塚瘞枯掩骼爲第一水橋等處

封塋纍纍凡百餘所每遇清明必酒飯設奠幽明德

之壽享期頤論者咸謂陰德之報云父諱傳早卒母

李氏守志食貧顧復教誨有孟母風濬生有穎質讀

書過目成誦甫六歲能作五指山詩矢口成章負異

絕倫識者知其國器稍長博觀羣籍家乏儲書出歷

書肆就座借閱雖三教百家之言靡不涉獵退而載

筆無有遺義年十七習舉子業下筆數千言草草立

就儼若宿構正統甲子領鄉薦第一人五策進呈海

內傳誦兩試禮部名居乙榜乃留京師讀書國學祭

酒蕭鎡深器重之景泰辛未告歸省母所與厚者咸

贈以詩編修岳正序而送之甲戌復試禮部學士商

輅洗馬李紹爲考試官閱卷至論策意出濬手及榜

既放果然衆服二公之鑑云廷試因策中微觸時諱

瓊臺會稿 卷首 傳 一百

置二甲第一與孫賢徐溥徐輅等賜及第出身首選爲翰林院庶吉士是科同榜接踵樞要以勳名顯者十餘人濬其最也尋被命同修寰宇通志海南衛官軍苦遠調濬奏免專防海黎賊寇上嘉納之至今沿海衛所官軍歲時祀之憲宗嗣立充經筵講官成化元年陞授侍講官與修英廟實錄三年成進學士侍講經筵尋丁內艱服闋復供原職十三年續修宋元綱目陞翰林院學士十六年加禮部侍郎掌國子監事時士習文風多以奇譎相高熾不可遏濬考試兩瓊臺會稿

卷首 傳

十一

都士凡怪詞險語悉痛斥之及爲祭酒輒醇醇垂訓自是文體復歸渾厚士有虛慕道學者或過爲詭異之行徵名干譽因主考會試發策言之務令士習趨於中正掌太學十餘年論者謂師道尊嚴不愧李時勉云先是以西山真氏大學衍義有資治道旁採經傳子史中有裨於治國平天下者分門類輯附以已見名曰大學衍義補凡一百六十卷書成進上稱旨批答有曰卿所纂書考據精詳論述該博有補政治朕甚嘉之賜以金幣進禮部尙書掌詹事府事書付

書坊刊行會修憲宗實錄充總裁官弘治四年三疏懇求致仕不允冬十月加陞文淵閣大學士典機務五年上治安疏上善其言七年復三疏固辭不允秋八月加陞少保兼武英殿大學士戶部尙書八年春二月卒於官年七十五歲訃聞天子嗟悼輟朝一日賻寶鈔一萬貫贈特進左柱國太傅諡文莊正德初命孫營蔭尙寶司丞尋卒復以曾孫郊襲其官賜額祀於其鄉曰景賢祠附宋學士蘇軾祠配祀以風示天下文臣恩眷之隆近世未之有也考明史濬自進瓊臺會稿

卷首 傳

十二

大學衍義補卽蒙眷生平著述有瓊臺類稿世史正綱家禮儀節朱子學的竝行於世濬生平好論議上下千古尤熟國家典故政事可否反覆與大臣言官諍論是非雖未必一一中的然不肯媿媚取悅至其商榷往事時出意見自高奇矯衆論能以辯博濟其說人莫能加配亭東坡有以也夫按名臣錄云丘文莊公穎悟絕倫無書不讀其爲已之學見於朱子學的經濟之學見於大學衍義補至於世史正綱以明正統大義家禮儀節以扶世教大綱國朝大臣律

已之嚴理學之博著述之富無有出其右者又雙槐
歲抄云丘公生平不可及者三自少至老手不釋卷
其好學一也詩文滿天下絕不爲近倖作其介慎二
也歷官四十年俸祿所人惟得指揮張淮一園而已
京師城東私第始終不易其廉靜三也爲學以自得
爲本以循理爲要嘗面責主事陳晟衣繡弔褻又嘗
勸門生謝遷王鏊二學士讀書循理至面檢修楓毛
澄廷對策多出小學史斷全無自得以故翰林後進
多嫌之者閤老劉健嘗戲之曰丘仲深有一屋散錢
瓊臺會稿 卷首 傳 二七

只欠索子文莊應之曰劉希賢有一屋索子只次散
錢論者傳爲口實至若陳白沙王三原之求退或歸
咎於文莊蓋由文莊主考會試發策之言不無齟齬
以跡疑之其太虛之微雲乎光明廣大之體固莫得
而掩之矣選丘海二公合集既成海公已有傳矣丘
獨缺焉因博稽前聞廣詢輿論近考郡志遠參明史
編輯成文聊補前缺以備觀覽云爾

瓊臺會稿序

文之說何昉乎蓋嘗考諸古矣凡物之粲然可指者
謂之文文者道之所在也故見于上曰天文見于下
曰人文見于世煥乎其有跡者曰文治曰文教非若
中古以來指操觚染翰者謂之文也夫文固非操觚
染翰者可盡然詩書所載詞命之作雅頌之篇類非
偶然卒爾者可辦而孔門亦有文學之科蓋道術未
裂言與行俱本厚而末茂詞出而文成正大光明敷
粲條達見于治則民格著于教則民孚所謂吐詞爲

瓊臺會稿

卷首

序

二

經而文之感不可及也漢毛公董子之徒始以經術
名而鄒陽枚乘之流乃專以文顯遷固亦岐而稱之
蓋以操觚染翰爲文而別於經術昉此日寢以盛而
瀾倒乎隋唐之間雖一二名世鉅公知文之不止乎
是亦畧見道之彷彿矣顧一時談經者專訓詁爲文
者尙聲律而上之人又以經義詞賦更迭取士其遠
于道一也至宋而程朱大儒者出斯道復明曉然示
人以徒文之不足濟物然不得任道揆之重千斯世
則亦安能盡刊其故習而卒反之一旦哉蓋經術文

章之流弊甚矣不得已而爲說以通則若之何亦獨曰爲毛董而不爲鄒枚爲韓李而不爲燕許爲歐曾而不爲楊劉爲陶杜而不爲徐庾溫李則亦庶幾可以廣道術求不倍於孔門而後可乎走不佞嘗以此質之瓊山丘先生先生是其言以爲知道然走實不足與于斯也先生門人內翰蔣君冕及其嗣子太學生敦輯先生平日詩文爲若干卷間奉以示走請序其首簡走讀之累日得其大端而嘆曰何其養之深而出之孺然一至此哉先生嘗爲走言世之作文

我臺會稿

卷首 序

五

吾類喜煅煉爲奇不究孔子詞達之旨或剽竊以爲功不識周子文以載道之說雖有言無補于世無補于世縱工奚益故予平日不欲以詩文語學者其言如此蓋先生懼學者之無本也則有學的之編懼學者之不知變也則有世史正綱之作懼學者之明體而不適于用也則有大學衍義之補其言鑒鑒乎必可見之于行行之必可以興文治洽文教而致吾君于堯舜三代之上流聲實于兩間作楷模于來世使道不爲空言蓋先生之志如此而文亦足以發之不

可誣也顧此集雖出於所學之緒餘然闕肆而精醇明潤而雅潔究本之論扶世立教之意郁乎粲然將上班于毛董韓李歐曾陶杜之間視世所謂訓詁之陋聲律之卑殆將揮遠之而以爲羞道者矣所謂一代之豪傑若先生豈多得哉先生名濬字仲深世居瓊山起進士甲科歷官翰林學士國子祭酒累進禮部尙書掌詹事府事名位之崇聲華之美固不可謂之不遇而士望猶未滿焉然則天下後世求以知先生者著述具在而此編輔行亦不可少也走辱知先

瓊臺會稿

卷首 序

三

生也深又同事經筵史局獲副詹事與僚案之末故因冕與敦之請序先生之集而極論文之所以爲文者如此

大明弘治己酉仲冬穀旦

賜進士及第中順大夫詹事府少詹事新安程敏政
謹序